

www.BibleForChildren.org

Mateo 8



Ka daba atan' daar la ka po'adiir di'ema daa be Kana
tenjin Galilee so'olim ni. Ka Yesu ma be anina. Ka ba
buol Yesu ne o nya'andolib ye ba kenn di'ema la na.



Ka ban nu daam po'og la, ka Yesu ma yel o ye,
“Ba daam naaeya.” Ka o ma yel tumtum nib la ye,
“Ninim one yeli ya si'el wusa.”



Ka Yesu yeli ba ye, “Pe'elim siins la ne ku'om.” Ka ba pe'eli ba hale ti paae noya ben. Ka o yeli ba ye, “Kabigumi li n tis one gosid di'ema yela la.” Ka ba kabig n tis o.



Ka one gosid di'ema yela la, pu ban lin yi si'el naa, amaa tumtum nib bane wik ku'om la mi'. Ka on lem daam la, ka o buol po'apaal sid la, n yel o ye, "So' wusa tisidne damalisiŋ di'ema pin'ilugin, ka ba ya'a ti nu tig la, ka ba yu'un tisid danbe'ed. Amaa fun kpiank ne damalisiŋ la, hale ti paae nannanna."




Nwa a Yesu nyalima tuumkan ka o denjim maal.
Ka o maali li Kana tenjin, Galilee
so'olim ni la. O nie pa'al o
panj, ka o nya'andolib la
niŋ o yadda.



Ka Yesu kenj Piita yin, ka nye Piita diem po'a ka o ben'ed ka digi ka o niñ tul.



Ka Yesu si'is po'a la nu'ug ka o nin̄tuulum la bas o.
Ka o maal Yesu saaun̄.




Ka winig ti sobid ka nidib mor ban'adnam bedego ne bane ka kikiris doli ba n kenn Yesu sa'an na. Ka tenj la nidib bedego la'as samanin.



Ka Yesu ti'eb nidib bedego bane mor wiim kon'ob
kon'ob la, ka kad kikiris bedego yiis. Yesu pu siak ka
kikiris la yel si'ela, bozugo ba pun mi' on a so'.



Ka nidib bedego wusa bood ye ba si'is o, bozugo pan
yitne o ni tisid ba wusa laafe.



Ka nidib anaasi ze dau so' one ben' hale ti pon'olim n kenn o sa'an na.



Ka nidib la la'ase zu'e ka ba ku
tun'e paae Yesu sa'an na la zug,
ka ba du dokan ka Yesu daa
be la n maal voonr ka sigis
ban'ad la digil o tuon.
O daa digne
debir zug.



Ka Yesu nye ban niŋ o yadda si'em la, ka yel ban'ad la ye, “M dapaala, m yiisi fu tuumbe'ed la bas.”

“Duom n zaŋi fu debir la n kul.”




Ka Yesu kpen' aarunin la ka o nya'andolib dol o.
Ka sisi'em tita'ar gbirigi kenn
beunin la na. Ka ku'opila ligil
aarun la. Ka Yesu gbidid.



Ka Yesu lebis ye, “Yanam bane ka ya yadda ninjir pu zu'e la, bo ka ya zot dabiem?” Ka Yesu tans sisi'em ne ku'opila la ka li lebi ma'ae yirr. Ka li lidigi ba wusa.

Ka ba bu'os taaba ye, “Ninƙaƙa nwa a ano'one, hale ka sisi'em ne ku'opila siakidi o noore?”



Wina'am nonj dunia hale ka o tum o
biyimir la n tis na. Ka one ninj o yadda
la, ku bodige, amaa o na nye nyovur
dine ka' naare.



Room Dim 3:23

Ninsaalib wusa tum tuumbe'ed ka ko'onj Wina'am yelsum.

Room Dim 6:23

Tuumbe'ed yood ane ku'um. Ka Wina'am piini ane
nyovur dine ka' naare. Ka ti di'e li tinam a yinni
ne ti Zugsob Kiristo Yesu la.

Hibiru Dim 9:27

Ka wen wuu lin zi'el ye saalib kpi vuguri ka
lin nya'anj ka saria kadib be,



Efesus Dim 2:8,9

Ka o popielim zug ka o tisi ya faangir ka li yine ya yadda ninjir Kiristo ni na, ka li ka'ane ya menj tuuma zugo. Li wusa ane Wina'am piini ninjir, ka ka'ane ninsaal tuuma yela, ka ya nwe'edi nyo'ogo.

Room Dim 10:9,10

Fu ya'a yel ne fu noor paalo ni ye Yesu ane Zugsob la, ka siaki fu sunfin ye Wina'am da vu'ug o kumin, fu na nye faangir. Ti siaki ti sunfin ye Yesu ane Zugsob la, linzug ka ti lieb popielim dim Wina'am tuon, ka yeli li ne ti noor, ka linzug ka ti nye faangir.



Joon 3:16,17

Wina'am nonɗ dunia hale ka o tum o biyimir la n tis na. Ka one niɗ o yadda la, ku bodige, amaa o na nye nyovur dine ka' naare. Ala zug Wina'am pu tum o Biig dunia ni na ye o koos dunia dim be'ede, amaa ye dunia nye faangir o ma'asim zug.

1 Joon 5:11-13

Ne'eɗa nwa ka Wina'am yeli ti. Li ane ye o tisi ti nyovur kane ka' naare, ka nyovur kaɗa aa ti bun n a yinni ne o Biig la. On mekama di'e o Biig la mor nyovur kaɗa. Ka on wusa pu di'e o Biig la, o ka' nyovure. M sobid ne'eɗa tisidi yanam bane niɗ Wina'am Biig la yadda la ye, ya baɗ ye ya mor nyovur kane ka' naare.



Mateo 8-9; Maak 1-2, 4; Luuk 4, 8; Joon 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Kusaal NT (kus) © 1996, Wycliffe Bible Translators, Inc.
All rights reserved.

<https://live.bible.is/bible/KUSTBL/MAT/1>

©2026 Bible for Children, Inc.

www.M1914.org

www.bibleforchildren.org

